



ル 5
1515
1



1213
1

1213

1

1213
1

門儿呂6
號 1515
卷 1-4

門儿5
號 1515
卷 1

衛藏圖識 卷第一

宸翰

聖祖仁皇帝御製平定西藏碑文

昔者

太宗文皇帝之崇德七年班禪額爾德尼達賴喇嘛固
始汗謂東土有聖人出特遣使自人跡不至之區經
雙嶺之國閱數年始達盛京至今八十載同行善事
俱為施主頗極安寧後達賴喇嘛之歿第巴隱匿不



奏者十有六年任意妄行拉藏滅之復興其法因而
允從拉藏苦苦腦兒羣衆公同之請中間策妄阿喇
蒲坦妄生事端動準噶爾之衆肆行奸詐滅壞達賴
喇嘛并廢第五輩達賴之塔辱斃班禪毀壞寺廟殺
戮喇嘛名為興教而實滅之且欲竊據圖伯特國朕
以其所為非法爰命皇子為大將軍王又遣朕子孫
等調撥滿洲蒙古綠旗兵各數萬歷烟瘴之地士馬
安然而至賊衆三次乘夜盜營我兵奮勇擊殺賊皆

喪胆遠遁一矢不發平定西藏振興法教賜今虎必
爾汗冊印封為第六輩達賴喇嘛安置禪榻撫綏圖
伯特僧俗人衆各復生業於是文武臣工咸謂王師
西討歷瘴癘險遠之區曾未半載輒建殊勲實從古
所未有而諸蒙古部落及圖伯特酋長亦合詞奏曰
皇帝勇畧神武超越往代天兵所臨邪魔掃蕩復興
蒙古向所尊奉法教坎麻藏衛等部人衆咸得拔離
湯火樂土安居如此盛德大業非臣下頌揚所能宣

鑿請賜御製碑文鐫勒招地以垂永久朕以何功焉
而群衆勤請不已爰紀斯文立石西藏俾中外知達
賴喇嘛等三朝恭順之誠諸部落累世崇奉法教之
意朕之此舉所以除違撫順綏衆興教云爾

衛藏圖識

識畧上卷

殊方風土荒渺難稽人或謂其鄙陋不足論矣
然其創制之規模儀文之煩殺亦自順乎其則
而協於宜山川之險易物產之蕃滋亦各著乎
其區而鍾於氣不可以其地居荒服而不之載
也西域舊有紀事一書惜舛錯雜蕪不盡愜心
貴當茲為之刪訂纂集自封爵以及撫記今為

若干篇考其源流冠諸卷首雖境倍性智之優
薄產載物類之區品川河嶺障之基源寒暑氣
節之通隔不能如龍門之誌列國縷晰條分而
覽者展卷紬繹則夫梯山棧谷繩行沙度之道
身熱首痛風災鬼難之鄉亦皆可畧悉情形微
求根實矣他如神迹詭異理絕人區感驗幽明
事出天外竟若怪怪奇奇實為信而有徵非比
烏有子虛純以意造也博雅君子尚克鑒諸

衛藏圖識

識畧上卷

西藏源流考

西藏唐古忒即圖伯特國部落繁多明統稱烏
斯藏然溯其源蓋古三苗種也舜徙三苗於三
危三危者為喀木為危為藏

敬見康熙
六十年

平王東遷後羌逼諸夏雜居隴山伊洛之間秦
始皇築長城漢武帝令居塞上拒之曰西羌晉

上諭

懷帝時有赤亭羌姚弋仲者子萇滅苻秦稱帝
嚴號於長安再傳為劉裕所滅蓋西羌屬凡百
餘種散處河湟江岷間其酋有居析支水西或
邏婆川歷魏周齊猶隔諸羌未通於中國隋開
皇中有倫贊索者居牂牁西滅土渾盡有其地
建國居跋布川西改姓為宰勃野以禿髮為國
號訛為吐蕃唐貞觀八年其贊普弄讚贊普遣王號
使朝貢請婚太宗不許吐蕃率衆屯於松州之

西境入寇太宗命將率步騎五萬擊敗之弄讚
大懼引兵退遣使謝罪因復請婚太宗以宗女
文成公主下嫁令江夏郡王道宗持節送之弄
讚親迎於河源而歸別為公主築城立棟宇公
主惡其人皆赭面贊普遂令國中權罷之亦自
嚴紈綺釋羶羯漸慕華風仍遣酋豪子弟請入
國學以習詩書又請中國文士典其䟽表高宗
立授弄讚為駙馬都尉封西海郡王因請蠶種

及造酒碾磴紙墨之匠並許焉則天時弄讚元
孫棄繇縮贊立復請婚中宗亦妻以所養雍王
女金城公主帝幸始平縣設帳於百頃泊側引
王公宰相及吐蕃使入宴酒闌命吐蕃使前諭
以公主孩幼割慈遠嫁之旨上款歔久之因命
學士李嶠等十七人賦詩餞別改始平為金城
縣又改其地為鳳池鄉愴別里公主至吐蕃亦
別築一城以居睿宗時楊矩受吐蕃厚賂歸為

代請河西九曲以為金城公主湯沐地與之未
久而叛元宗十七年吐蕃恃強表疏悖慢帝怒
遣將大破之復請和遂命使臣往視金城公主
吐蕃復進表朝貢如初公主亦別有進獻並奏
請毛詩禮記左傳文選各一部亦與之正字干
休烈疏諫不報卒與之二十四年常侍崔希逸
以殺白狗為盟誑吐蕃計破於青海復絕朝貢
二十八年寇維州又破之得安戎城詔改為平

戎二十九年春金城公主薨吐蕃來告仍請和
上不許乾元後吐蕃乘唐間隙盡有戎境肅宗
年間吐蕃遣使請盟郭子儀令於鴻臚寺軟血
以申蕃戎之禮廣德元年吐蕃以京師失守故
因降將高庭暉入長安立廣武王為帝旋為郭
子儀設疑兵恚衆遁去建中二年吐蕃請以賀
蘭山為界四年遣官盟於清水即大詔前甥舅
聯盟碑也興元元年吐蕃助渾瑊大破朱泚於

武功之武亭川因許以涇州靈州相報而未與
吐蕃詐邀會盟劫瑊而陷其軍渾瑊僅以身免
自此大入寇掠吳山汧陽等界貞元五年劍南
節度使韋皋大破之盡復舊州地七年又攻破
吐蕃十六年詔韋皋出兵成都以紓邊患遂命
陳洎等統兵出龍溪石門及南道雅邛黎馬并
進攻昆明諾濟城諸路凡九道並進自八月至
十二月屢破其衆拔七城遂圍維州擒蕃將莽

熱獻俘於京穆宗長慶元年吐蕃復請盟乃命御史大夫劉元鼎充會盟使初元鼎見贊普於悶懼盧川蓋贊普夏衙之所其川在邏娑川南百里臧河之所流臧當作藏即西藏所由名也時吐蕃遣論志諾息隨元鼎來朝於是不復叛自黃巢後遂為阻絕然而其國亦自衰微族種分散無復統一矣周廣順三年西河節度使申師厚奏請授吐蕃首領折逋支等官迨至宋初

乾德四年知西涼府逋葛支上書有回鶻二百餘人及僧十餘人自朔方來欲取經天竺詔褒答之此蕃僧所由來也太平興國八年吐蕃入貢太宗曾召見酋長於崇政殿優禮之以故朝貢不絕後其境為李繼遷所侵首領潘羅支率蕃部三十二族納質授朔方節度使咸平元年河西軍左廂副使歸德將軍折逋游龍鉢來朝獻馬蕃四世雖受朝命為首貢方物而未嘗自

行今始至詔以為大將軍助兵討李繼遷嗣為
遷黨戕於帳其後各族互相吞併有唃斯羅者
名斯南陵温錢逋錢逋者猶言贊普也貌奇偉
部族彊盛立李立遵為論逋佐之論逋者相也
求內附明道初授寧遠大將軍後數以奇計敗
夏元昊潘羅支舊部往往歸之寶元元年加寶
順軍節度使約以擊元昊然不能有功自神哲
高三朝或加檢校太尉或為刺史或授太保或
拜團練使皆授官於宋然而當時西河既失加
以西夏亦未嘗不為邊患也遼時亦入貢有大
蕃小蕃及胡毋思山蕃之別元初因俗首領童
古來朝封為寧濮郡王鎮西寧於河州太祖四
年帝入河西帥獲尅兀喇海城並歸西寧領之
設吐蕃等處宣慰使建元帥府以洮岷黎雅諸
州隸之世祖以其地廣而險遠民獷而好鬪思
有以因其俗而柔其人乃郡縣吐蕃之地設官

分職而領之于帝師帝師八思巴者吐蕃薩斯迦人生七歲誦經數十萬言能通大義國人號曰神童中統元年尊為大寶法王賜玉印統釋教嗣數世弟子號司徒司空國公佩金玉印章者前後相望蓋當時朝廷所以敬禮而尊信之者且重以周也明以其地為烏斯藏烏斯藏者本吐蕃而別立為國者也吐蕃中惟烏斯藏專以釋道教化頗柔順易服在西徼外去四川馬

湖府千五百餘里雲南麗江府千餘里陝西西寧衛五千餘里其地多僧無城郭其僧有居大土臺及土臺外者洪武初太祖懲唐世吐蕃之亂思制御之惟因其俗尚用僧徒化導為善乃遣陝西行省員外郎許允德使其地令舉元故官赴京授職於是遂授攝帝師喃加巴藏卜為熾盛佛寶國師錫玉印又授元帝師八思巴之後八哥監藏巴藏卜為大國師授烏斯藏僧答

力麻八刺為灌頂國師並賜玉印佛寶國師及
答力麻八刺遣使入貢奏舉土官多人因置指
揮宣慰萬戶千戶等官鑄分司印予之餘授職
有差永樂三年僧哈立麻者國人以其有道術
稱之成祖因授職為演教如來大寶法王烏斯
藏僧昆澤思巴亦授為大乘法王授吉刺思巴
監藏巴臧卜為闡化王授思達藏僧南渴烈思
巴為輔教王授必力工瓦僧領真巴兒吉監藏

為闡教王授靈藏僧著思巴兒監藏為贊善王
授宗巴幹為護教王並有授為西天佛子灌頂
大國師灌頂國師者皆賜給印誥蓋其地皆倚
中國之茶為命而當時入貢者又優以茶布諸
蕃戀貢市之利且欲保世官不敢為變故終明
之世授官加號以羈縻之交市茶馬以誘致之
雖動於利而未嘗為患然終不能如

國朝德威遐播傾心歸化直隸版圖而謳歌

帝治于無疆也至達賴喇嘛班禪額爾德尼顛末已
詳圖考中茲不復贅云

加爾藏王圖



疆域

東由拉撒詔至巴塘寧靜山交川滇界

詳見程站

南由拉撒詔過鍋噶拉宋噶拉扎拉交貉猢茹
巴怒江界 按怒江廣濶無垠兩岸石壁峭立
中流急湍不可舟楫其地亦名工布

西由拉撒詔經扎什倫布至三桑乃阿里界一
由三桑過岡得寨入阿里噶爾渡界一由三桑
墨雨拉通拉經脇噶爾至聶拉木交廓爾喀邊

番界 按藏地有四一曰阿里地土遠濶稍西

北乃納達克谷土結塞二部落境 按脇噶爾

地為四達之區亦西藏要隘

北由拉撒詔出羊八井口至新橋即平川西通
後藏東接噶爾坦北行草地直至木魯烏素噶
爾藏骨岔交青海界

東南由拉撒詔朗路山轉出大則經竹貢寺及
沙金塘草地走古樹邊卡至春奔色擦接顯伍

齊界通昌都大道

東北由拉撒詔內色拉寺東過彭多河鐵索橋
由角子拉熱正寺增頂工至木魯烏素通西寧
大道

西南接布魯克巴巴勒布通西洋等處又自怒
江北由咱義桑阿却宗瀾滄江各處至阿布拉
通南登大道

西北由拉撒詔過克里野拉納克產等處通鍋
鏊葉爾羌新疆大道 凡沙磧地無水草者番
人謂之鍋壁呼拉者譯言山也

衛藏圖識

識畧上卷

惟我

國朝幅幘之廣從古未聞而柔遠之經詳且備已
西藏自誅朱爾墨特那木札爾後除其王爵似
不煩追論其始末矣然當時
酬庸之典則不容畧而不序况達賴喇嘛班禪額
爾德尼及噶布倫等皆受

朝廷制命厚其爵祿通貢於
朝作障於邊爰述舊聞以彰職守

封爵

西藏自唐高宗時始封其替普為駙馬都尉西
海郡王歷代相沿俱受中國制命自我

朝康熙五十九年平藏後

封康濟烏為貝勒阿爾布巴為貝子隆布烏為公頗羅
烏扎爾烏為噶隆後頗羅烏以擒逆功疊邀

恩命封至郡王領藏事頗羅烏卒其次子朱爾墨特那
木扎爾襲乾隆十五年謀逆伏誅遂除其王爵

十六年奉

旨凡藏地均屬達賴喇嘛所有輔國公三人一等台

吉一人噶布倫四人達賴喇嘛之輔內一人即輔國公為之各頒

給

勅諭戴綱五人藏地領兵鎮將碟巴三人藏地司地職事者堪布一

人管束衆喇嘛者如內地叢林監寺均給理藩院執照分司藏

務受駐藏大臣及達賴喇嘛管轄

朝貢

西藏即明時烏斯藏自順治五年闡化王遣索

納木刺希喇嘛入

貢繳明季所給誥勅銀印奉

旨換給禮部題定貢期三年一次道由陝西每次限以

百人准十五人晉京餘留邊著為定例七年闡

化王遣噴錯堅挫喇嘛入

貢繳明季所給誥勅銀印十年又遣索納木畢拉

西等入

貢十三年又遣噴錯堅挫入

貢繳明季勅書玉印經禮部題准換給十七年如
來大寶法王哈里麻巴遣僧齋漢番字印表並
進方物又灌頂國師及灌頂圓通妙濟國師大
悉都遣僧齋番字印表并進方物道由雲南闡
化王所進方物鍍金銅佛畫佛銅塔舍利子珊
瑚犀角黃左髻帽各色花氍毹各色氍毹綿阿

魏黑香白海驪黑白纓子大寶法王所貢方物
釋迦佛舍利子番像銅佛金輪珊瑚犀角珍珠
寶石數珠琥珀珠慈獸皮虎皮豹皮狝獠獠皮
梵祖紅各色氍毹各色氍毹青白纓花褐花氍毹
灌頂國師所貢方物銅佛金輪犀角珊瑚珍珠
花布花線氍毹各色氍毹花褐灌頂圓通妙濟國
師所貢方物番像銅佛金輪珍珠珊瑚花布狝
獠獠皮見會典自康熙五十九年定藏後達賴喇

卷十七
麻頗羅烏為一班班禪喇嘛為一班各間年一次遣使入

貢繕唐古忒字表文并進方物乾隆十五年朱爾墨特那木扎爾謀逆伏誅後十六年奏准達賴喇嘛遣正副入

貢因頗羅烏進貢將達賴喇嘛副使為伊正使今仍照舊例堪布囊素均由達賴喇嘛差遣 凡慶祝禮達賴喇嘛班禪額爾德尼間年一進

貢額爾澤卜尊巴胡圖克圖遇有

國家慶典則進貢物有佛像金經銀塔五色帖八吉祥之屬各具

奏書遣使以

聞達賴喇嘛班禪額爾德尼於慶祝之外別具壽帕數珠藏香氍毹使還均降

勅慰問賜金幣有差

